

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, koje zastupa ministar Admir Katica (u daljem tekstu: Korisnik usluga) i

ZODD "DIMNJAK" Sarajevo, ulica Nahorevska 95, Sarajevo, koje zastupa vlasnik, Fadil Vatreš, (u daljem tekstu: Davalac usluga)

zaključili su:

**UGOVOR
O PRUŽANJU USLUGA MEHANIČKOG ČIŠĆENJA
DIMOVODNIH OBJEKATA**

PREDMET UGOVORA

Član 1.

Predmet ugovora je pružanje usluga čišćenja dimovodnih objekata u objektima Ministarstva unutrašnjih poslova Kantona Sarajevo, a prema Odluci o provođenju postupka dodjele ugovora putem direktnog sporazuma broj 01-14-4-1914 od 07.04.2021. godine. Ponuda broj I-045/2021 je sastavni dio ugovora.

CIJENA I NAČIN PLAĆANJA

Član 2.

R.B.	OPIS	JED. MJERE	KOL.	JEDINIČNA CIJENA BEZ PDV-a	VRIJEDNOST BEZ PDV-a
1	MEHANIČKO ČIŠĆENJE KOTLA	KOM	12	100,00	1.200,00
2	MEHANIČKO ČIŠĆENJE DIMNJAKA	m	100	3,00	300,00
3	MEHANIČKO ČIŠĆENJE DIMNJAČE	m	22	3,00	66,00
4	ANTI-KOROZIVNA ZAŠTITA PLAMENODIMNE STRANE NA KRAJU SEZONE	KOM	12	50,00	600,00
UKUPNO BEZ PDV-a					2.166,00
PDV					368,22
UKUPNO SA PDV-om					2.534,22

Ukupna vrijednost ponude iznosi 2.534,22 KM (dvijehiljadepetstotinatridesetčetiri i 22/100 KM) sa PDV-om.

Dijelovi koji se mjenjaju se posebno obračunavaju po cijenama i troškovima na dan izvođenja radova.

Korisnik usluga se obavezuje da će izvršiti plaćanje u roku od 30 (trideset) dana od dana ispostavljanja fakture.

ROK I NAČIN PRUŽANJA USLUGE

Član 3.

Davalac usluga se obavezuje da će pružanje usluga čišćenja dimovodnih objekata izvršiti u izvansezonskim mjesecima po pozivu korisnika usluga.

Na poziv ovlaštenog lica Korisnika usluga, Davalac usluga se obavezuje da će po primitku poziva u roku od 30 (trideset) minuta izaći na objekat, izvršiti uvid i preduzeti potrebne radnje koje su predmet ovog ugovora.

Davalac usluga se obavezuje da će stručno, kvalitetno i u roku izvršiti ugovorene usluge i sačiniti odgovarajući zapisnik za izvršene usluge.

Član 4.

Korisnik usluga je dužan obezbjediti Davaocu usluga sljedeće:

- neometan ulazak servisera i servisnog vozila,
- električnu energiju i vodu za vrijeme izvršenja usluge i
- stručno lice za prijem i ovjeru izvršenih usluga.

Član 5.

Korisnik usluga je dužan da pravovremeno obavještava Davaoca usluga o svim greškama u radu opreme ili o simptomima mogućih poremećaja u toku eksploatacije, a potrebno je da traži i saglasnost za eventualno proširenje radova (zamjenu dijelova).

Korisnik usluga se obavezuje da neće pozivati na intervencije druge servise ili neovlaštena lica niti sam otklanjati kvarove jer u tom slučaju Davalac usluga ne može preuzeti odgovornost za potencijalnu štetu ili kvar, niti garantovati ispravnost rada postrojenja.

Član 6.

Korisnik usluga snosi troškove popravke kvara do kojeg je došlo usljed nestručnog ili neodgovornog rukovanja opremom ali i Davalac usluga snosi troškove kvara do kojeg je došlo greškom u toku rada servisera Davaoca usluga.

GARANCIJA

Član 7.

Davalac usluga garantuje da će usluge čišćenja dimovodnih objekata vršiti u skladu sa Odlukom o zaštiti i poboljšanju kvaliteta zraka u Kantonu Sarajevo („Službene novine Kantona Sarajevo“ broj 23/16), u zavisnosti od vrste energenta i snage kotlova.

RJEŠAVANJE SPOROVA

Član 8.

Ugovorne strane zadržavaju pravo raskida ugovora i prije isteka ugovorenog roka, isključivo pismenim putem uz otkazni rok od 30 (trideset) dana.

Ugovorne strane su saglasne da sva, eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, ugovorne strane priznaju nadležnost suda u Sarajevu.

Član 9.

Na ostala prava i obaveze ugovornih strana, koja nisu regulisana ovim ugovorom primjeniče se Zakon o obligacionim odnosima.



ZAVRŠNE ODREDBE

Član 10.

Ovaj ugovor je sačinjen u 4 (četiri) istovjetna primjerka, od kojih po 2 (dva) zadržava svaka ugovorna strana.

Ugovor stupa na snagu danom potpisivanja ovlaštenih predstavnika, a primjenjuje se do realizacije ugovorene nabavke.

DAVALAČ USLUGA
ZODD „DIMNJAK“ SARAJEVO


Ovlašćenik
Fadil Vatreš


Datum: 4.5.2021

Broj: 1-517/1

KORISNIK USLUGA
MINISTARSTVO UNUTRAŠNJIH POSLOVA
KANTONA SARAJEVO


Ministar
Admir Katica


Datum: 20.04.2021. godine

Broj: 01-11-4-1914-1